

thue biß du das maß Weins gar verbrauchest/ denn thue in das maß Wein 2. Loth guter Natterwurk/ vnd muß eben das kämmelein wie das Kraut gestanden ist/ darauß vnd die Wurzel ganz sein/ zerschneids/ thue es in eine Kannen/ geuß obgeschriebenen Wein dar ein/ laß in einem Kessel vol Wassers ein halb viertel einsieden) würge denn drey Turteltauben (die weissen weren fast die besten/ laß sie in die Kannen zu dem Wein gar wol verbluten/ wenn der Wein zuvor erkület ist/ rhürs vntereinander/ laß vber Nacht stehen: Morgens seyge es durch ein Lüchlein/ daß das gerunnen Blut darvon komme/ darvon gib ihme Morgens einen guten grossen Trunck nüchtern warm/ laß in drey Stunden darauß fasten vnd schwitzen/ wenn ers kan. Desgleichen thue zu Nacht auch/ vnd beharre damit so lange der Tranck weret/ wenn ers mit dem schwitzen vermag. Man sol ihm auch stes ein Lüchlein in gelb Beilwasser genezt/ daß die ganze Stirn von einem Auge zum andern/ vnd biß auff die Augenbrauen bedecken möge/ vberlegen. Wans trucken wird/ so nehet mans wider/ außgenommen wenn er schläfft.

Wenn einem Liebe darauß Leid kömpt/ zu essen wird gegeben.

Nim Fenchelwurk/ roth Bücken/ roht Nesselwurk/ ana i. Loth/ zerschneide es zu kleinen stücklein/ seud es in ein viertel guten weissen Wein/ der doch nur süsse sey/ laß den vierden Theil einsieden/ laß also zugedeckt an einander erkalten/ biß mans trincken kan vor Nis/ so gib ihme ein warmen Trunck/ vnd gleich vber ein vierthel Stunde den andern Trunck/ der sol auch warm sein/ vnd laß ihn darauß nider liegen/ vnd sch. wizen/ es wird ihn ein grosser frost ankommen/ vnd ein zittern/ vnd wird fast anheben zu toben/ vnd wüten/ das sol man nicht achten/ es muß also sein/ vnd sol ihn nicht aufflassen/

Pij

noch